



Broj: 17- 14-229- 1

Datum: 08 -01- 2019

Na osnovu člana 10. stav (1) tačka e) i člana 18. stav (1) Zakona o javnim nabavkama („Službeni glasnik BiH“, broj 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Službene novine Kantona Sarajevo“ broj 5/06 – Prečišćeni tekst), načelnik Stručne službe za zajedničke poslove Kantona Sarajevo, donio je:

**Odluku o pokretanju postupka javne nabavke zakupa garažnog prostora koji je izuzet od primjene odredbi Zakona o javnim nabavkama i dodjeli ugovora izabranom ponuđaču (Terezije bb, Skenderija)**

**Član 1.**

(Predmet nabavke)

- (1) Odobrava se pokretanje postupka zakupa garažnog prostora za šest garažnih mjesta na period od 12 mjeseci u ulici Terezije bb u procijenjenoj vrijednosti nabavke u iznosu od 7.920,00 KM bez PDV-a.
- (2) Postupak javne nabavke iz stava (1) ovog člana je u skladu sa članom 10. stav (1) tačka e) Zakona o javnim nabavkama („Službeni glasnik BiH“ broj 39/14)(u daljem tekstu: Zakon) izuzet od primjene odredbi Zakona, jer je riječ o zakupu nepokretne imovine.

**Član 2.**

(Cijena zakupa)

- (1) Utvrđuje se cijena mjesečnog zakupa za jednog garažno mjesto u iznosu od 110,00 KM bez PDV-a/128,70 KM sa PDV-om, odnosno cijena mjesečnog zakupa za šest(6) garažnih mjesta u iznosu od 660,00 KM bez PDV/772,20 KM sa PDV-om.
- (2) **Ukupna ugovorena vrijednost ugovora za period od 12 mjeseci iznosi 7.920,00 KM bez PDV-a, odnosno 9.266,40 KM sa PDV-om.**
- (3) Sredstva za ovu nabavku su planirana u DOB-u Kantona Sarajevo, na poziciji Stručne službe za zajedničke poslove Kantona Sarajevo.



**Član 3.**  
**(Izabrani ponuđač)**

Ugovor za zakup poslovnih prostorija dodjeljuje se ponuđaču JKJP "Centar Skenderija Sarajevo" d.o.o.

**Član 4.**  
**(Stupanje na snagu i objava)**

Ova odluka stupa na snagu danom donošenja i objavit će se na web stranici Ugovornog organa [www.sszp.ks.gov.ba](http://www.sszp.ks.gov.ba) u skladu sa članom 70. stav (4) Zakona.

**Obrazloženje**

Članom 18. stav (1) Zakona, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. Zakona ili za dodjelu ugovora o nabavci usluga iz Aneksa II. Dio B, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) istog člana.

Članom 10. stav (1) Zakona, propisana su izuzeća od primjene odredbi ovog zakona, te je u članu 10. stav (1) tački e) propisano izuzeće za ugovore o kupoprodaji ili zakupu nepokretne imovine.

Kako je predmet ove nabavke zakup nepokretne imovine, utvrđeno je da su ispunjeni uslovi, iz člana 18. stav (2) a u vezi sa članom 10. stav (1) tačka e) Zakona kojim su propisana izuzeća od primjene odredbi Zakona, te je utvrđeno da su ispunjene pretpostavke za donošenje predmetne odluke.

U cilju osiguranja zakupa garažnog prostora za potrebe Stručne službe za zajedničke poslove Kantona Sarajevo na period od 12 mjeseci pokrenuta je predmetna procedura, te prihvaćena ponudena cijena zakupa od 110,00 KM bez PDV-a, odnosno 128,70 KM sa PDV-om po jednom garažnom mjestu.

Na osnovu navedenog odlučeno je kao u dispozitivu ove odluke.

Pripremila: Azra Sipović  
Kontrolisao: Sedin Kozadra



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1

